

# ЛЕНИНЭНЬ КИЯВА

ВЛКСМ-нь Мокшэрзянь обкомонтъ ды Саранскоень ошонь комитетэнь газетаст

ОКТАБРЯНЬ

17 чи,

1935 ие

№ 111 (462)

ЛКСМ:

5-11 №  
ЧОНЬ ЮТАС

## СУДЯМС ПОШЛЯКТНЭНЬ ДЫ НЕГОДАЙТНЕНЬ

### Парсте аравтомс од тейтерь-аватненъ ютксо роботанть

Од тейтерь-аватненъ ютксо роботанть вадрылгавтомань мератнеде эсь решениясонзо комсомолонь Центральной комитетэсь тешкстась, што „тейтерь-аватненъ прок уренень“ отношениясонть весе эрва кодат пережиткатненъ каршо парсте бороцямонть кис решающей условияс ашти сынсест комсомолетнэнь ды комсомолонь активистнэнь прянь ветямост... Самай сын должны эсист нинтень, эрва косо эрва од тейтерентень отношениясонть невтест при мер весе трудия од ломантненень.

ЦК-анть теке жо решениясонзо мерезь: „Комсомолонь организациятне ды сынст руководителъне апак мира бороцяст тейтертненъ ды од аватненень комсомолетнэнь ды беспартийной од ломантненъ ендю хамской ды аволь ялгань отношениянъ весе проявление тненъ каршо. Эрва истямо поступканть кармавтомс кода комсомолонь комитетсэнь, истя жо вейсэнь промкстнэсэ ды ловомс истямо фактокс, кода пацки советской од гражданинэнь лементь истят проступкатненъ кис казямосто чумондомс комсомолетнэнь ды бути эряви панемс мик комсомолсто“.

Минек республикань комсомолонь зярвья руководящей роботникт ды зярвья райкомт овси эзизь чаркоде комсомолонь ЦК-анть неть серьезной предупреждениянзо ды эсть тее урокт Ромодановань райкомолонь икелень секретарентъ Лихачев пошляконтъ тевстэнзэ, ко на (Лихачев) панезь партиясто ламоксть урвакстнеманть кис ды таргазъ уголовной ответственность алиментэнь а пандоманть кис.

Октябрия 10 це чистэнь комсомолонь обкомонь бюронть решениянзо коряс кязь роботасто, строгой выговор ды предупреждения марто Зубово-Полянень райкомолонь секретаресъ Буянкин, сень кис, што сон ульнесъ урвакстоэзъ ды зярдо Куйбышев ошсо ульнесъ райкомонь секретарень курссо, сон теевсь содавиксэкс тосонь вейке сех вадря тейтерь марто, панизе сонзэ, мерсь, што апак урваксто.

Седеяк пек гусной тевезэ Ичалкань райОСО-нь председателентъ, комсомолетнэнь Мизенинэнь. Те негодаесь кадызе нинзэ, мейле манясь зярдо бути тейтерь ды пачкодсь истямо низостэ ды пошлостсь, што манясь 16 иесэ эрзянь тейтерь-комсомолка, кона кассъ урозокс. Эрзясь те тейтерентъ

марто 7—8 чить ды кадызе. Те буржуазной перерожденецэ сех наглоустэ колызе советской законотельстванть, тейнесъ овси корса кирдевища безобразия. Сон чавсь комсомолка—Перемеева велень избачонтъ Ворожейкинэнь, хулиганил, секе тев симсь винадо ды овси местькак эзь тейне эсь тевсэнзэ.

Весе неть тевтне молюсь комсомолонь ды партиянь райкомтнэнь селмест икеле. Неть тевтнеде парсте содась Ичалкань райононь нарсудьяс Рассейкин, конань пингстэ Мизенин чавизе избач-комсомолканть. Рассейкин истяжо содась седе, што Мизенин эрзясь аволь совершеннолетней тейтерь К. марто, но кодаткак мерат эзь прима.

Мизенинэнь тевентъ ваннэзе Ичалкань райкомось ансяк седе мейле, зярдо кавкстэ кундсесь тейненъ ВЛКСМ-ень обкомось ды минек редакциянь роботниктнэ. Мизенин панезь комсомолсто, сонзэ кармить судямо показательной процессэ, но те а корты седе, што икеле-пелев а кармить улеме истят тевтэ.

Минек ютась номерсэнь ды те номерсэнь гусной тевде печатазь материалось, Буянкинэнь тевесъ кортыть седе, што истят фактнэ могут улеме лия районсоак. Неть фактнэ кортыть эщо седе, што райкомтнэ, кода эряви эзизь чаркоде ВЛКСМ-нь ЦК-анть у к а з а н и я н з о тейтерь-аватне ютксо роботамодонтъ, а ветить алкуксонь бороцямо хамсванть ды од тейтерь-аватненень нежественной отношениянень каршо. Комсомолонь ЦК-ась жо мерсь весе организациятненень, што „ВЛКСМ-нь ЦК-ань XI-це пленумонть решениянзо топавтоманть коряс сынст роботань успешностест карми улеме ловозь сеть результатнэнь коряс, конатненъ райкомтнэ, обкомтнэ ды нацреспубликань ЦК-атне тейсызъ од тейтерь-аватне ютксо роботамосонтъ“.

Райкомтнэненъ ды первичной организациятненень эряви теесъ серьезной урокт ды выводт сень эйстэ мезе ней минек ули течень чис од тейтерь-аватне ютксо роботамонть коряс, лангс таргамс Мизенинэнь, Буянкинэнь кондамо хамтнэнь ды пошляктнэнь, ды кармамс ветямю алкуксонь большевистской работа од тейтерь-аватне ютксо ды коммунистической семиянь кемекстамонть коряс.

### Топавтозъ сюронь анокстамонь планось

Октябрия 10 це чистэнь, малав цела ководо икеле седе курок ютась иень коряс, целанек топавтозъ сюронь анокстамонь иень планось весе союзонтъ келес. Государстванть сюронь максомань план-

тиэнь велькске топавтызъ союзонь келес весе колхозтнэ ды башка эричань хозяйстватне. Государстванть сюронь максомань планонтъ велькска топавтызъ совхозтнэ.

### Мирде ды Ни

Б аганов Офонька комсомолец. Сон омбоце ие уш яки башка тейтерь-Проконькина Паша марто. Шкась сакшны. Офоньканень уш 18 иеть, сон арси урваксто. Паша тейтересъ паро,—арси эсь пачканзо Офонка, удалась сон сэрънь коряскак, мазыйгак: Чама умарензэ палозь палынъ, раужо сельмензэ цитордыть. Ве валсо меремс—тейтерень парозо, астяк Офонькань седейс пси таркас Паша каятотсь. Пек вечксы Офонька Пашань.

\*\*

Койкак учовсь Офоньканень чокшнесъ. Ансяк Чопотедсь, Офонька чийсь Пашанень, натой оймезьяк потмозонзо а кельги—лекси. Паша мик тандадсь ды кевкстизе:

Мекс истя Офонь пеклексят, эли кияк мельгат чийсь, зярдоак истя эзить капша?

Паньдя, Паша, омбоце ие эрва чокшне чийнянь тентъ велень омбо пев, ней жо чийнь теть, остаткадо, давай путтано пелалава вастнемантень: давай валске моляди вельсоветэв ды распишемся.

Паша умок учтнесъ Офонькань неть валонзо. Сон умок арсекшнесъ Офонькадо: церась а берянь комсомолец, соды сермас, лисян тензэ никс. Карман роботамо колхозсо тонавтсамам сермас. Ней жо, коть вал мельга зэпс зярдоак а совсиль, яла теке Офонькань каршо вал эзь мые.

Мекс, тон, Паша чать монят-дивазь кевкстизе Офонька.

Мекс... Мезе мон теть отвечан. Значит молчанье знак согласия? Мезе эно—теке ульнесъ Пашань ответэзэ.

Офонька урвакстсь. Чи эрить парсте, омбоце—парсте, ков эрить парсте, омбоце—парсте. Колмоце ковсонть комсомолетнэнь палыня седеесъ кармасть кельмеме. Сестэ жо зярдо Паша евтась Офоньканень куля, што сынст пель иень ютазъ карми улеме эйкакшост—Офонькань седеезэ седеяк кельмесъ.

Каявтык эйкакшонтъ—карман мартот эрямо, а каявтсак паньдянь,—мерсь Офонька ды теде мейле эрва чистэ кармасть Пашань эйсэ чавномо.

Паша чинек венек авардилъ. —Ков ней пешксесэ туян, арси Паша-Ламо арсевкст ютасть прыванзо, но эйкакшонтъ яла теке эзсе каявто.

Комсомолетнэнь пря поц колиякс пезнась нинзэ панемась.

Секень арси, кода бу седе курок „тевесь теесъ“

—Ага муевсь кись, ней мон сонзэ тонавтса—арси Офонька: вельсоветс эряви секретарь. Аран тов секретарекс ды киненьгак а энялгандан. Монсь саян разводной.

Думазь—теезь, Офонька вель-

советэнь секретарь. Сон уш макссь нинстэнь разводной ды панизе кудостонтькак. Секе чистэ Кшуманьянь веленть келес тусь Офонькадо а паро слава:

Оно Багдановонь пуноось месть тейни... Ней а эряви тензэ ни, а вадря маряви...

Мезе истя кума?

Мезе. Офонька Пашань панизе, чияк ютан вальмалгаст, маряса кудосонть канабой моли, Паша весе вальгейсэ аварди—кортыть аватне веленть келес.

Беряньстэ вастызь Пашань тетязо ды авазо ды сех пек эзь радова братозо Санька. Сон эрва кода кармасть покордамонзо, столькшс как ярсамо паро ладсо а озавтылизь.

Те шкастонть жо комсомолецэс Баганов кенерсь уш вельсоветсэнтъ „пулонзо шлямо. Сон уш роботы райавтодорсо.

\*\*

Паша шачтась цера. Путсь тензэ лем Вася. Вадрине касы церась. Паша кемсь, што Васянь тетязо алимент карми пандомо—трясы Васянь. Сестэ жо, зярдо Офонька марясь, што Паша шачтась—райдоронтъ как кадызе, оргодсь алиментнэде Саран ошов ды понгсь роботамо коммунальной банкас.

Шачтомадо мейле Пашанень седеяк сепейть састь читне—ветне: Пашань тетязо эрва кода севны эйсэнзэ ды пижнекшны: „Тон колхознипат, азе колхозов роботамо, бути тов а молят—азе коть ков мирдет комсомолецэс алимент теть а панды, а миненек а тряват эйкакшот марто. Санька братозо жо секе тев пижни: эшкса киска левксэть угол пес.

Паша кармасть колхозсо роботамо. Тевензэ молюсь а беряньстэ. Сон машты роботамо ды а пели коть кодамо тевдэ. Но сонстемэнзэ кудосо нарьгасть лангсонзо эрва кода; эрва козонь кадсызъ, аварди—аладсисызъ ды нарьгамотнеде эйкакшось ормалгась.

А кувать мельс паросо аштесь церанзо кис теке радостезэ, теке эрямо-чизэ ульнесъ ды сеяк, ве ендю а паро деда баба марто, ды омбоце ендю зверень седей „тетя“ марто эзь цидярдо, сон.. кулось Пашанень горяс.

Марясь Офонька, што церазо кулось, радовась ней алимент а пандомс ды оргодсь Саран ошсто одов Чамзинкань район, ды кармасть роботамо загот зерносо. Офоньканень радость.

\*\*

Те ялгат, аволь евкс те факт, коната ульнесъ Кшуманья велезэ Чамзинкань районсо. Теде парсте содась ды соды комсомолонь райкомось. Мезеяк эзь тее ды те шкас кирди Офонькань комсомолсо.

И. Щегалкин.



# ВЛКСМ-ень Орской организациясонтъ политобразованиянтъ положениядонзо

(ОРЕНБУРГОНЬ ОБЛАСТЬ)

## ВЛКСМ-ень ЦК-антъ ПОСТАНОВЛЕНИЯЗО

ВЛКСМ-ень ЦК-ась те шксты, што Орскоень ВЛКСМ-ень ошонъ комитетэсь (ошонъ комитетэнтъ секретаресь Смирнов ялгась) овси местькак эзь тейне комсомолецтнэнь политической образования дост ЦК-антъ решениянзо тевс ютавтомантъ коряс. Ошонъ комитетэнтъ руководителне, конат эзизь чаркоде ВЛКСМ-ень роботанзо одкс теемадо ЦК-антъ решениянзо, — сынь комсомолецтнэнь политической воспитанияст коряс весе роботантъ кадзысь самотекс, котъ те вопросонть кувалт Орской организациясонтъ ульнесь аволь аламо промкст ды общей коротнема.

Комсомолецтнэнь политической воспитанияст организовамонть ВЛКСМ-ень ошонъ комитетэнтъ истямо формально бюрократической отношениянзо кувалт эзь ульне ютавтозь политической грамотанъ школатнэнь ды кружоктнэнь паро комплектования, эзь ульне кочказь пропагандистнэнь паро кадрат эзь ульне организовазь политграмотанъ школатнэнь, кружоктнэнь ды пропагандистнэнь роботаст туртов конкретной руководства ды

контроль, ды сынськак комсомолонъ активистнэ эсть ветья пропагандистской работа.

Сех пек корс а кирдевицк, ды комсомолонъ руководителенте недостойнойкс ЦК-ась лови се фактонть, што сонсь ошонъ комитетэнтъ секретаресь Смирнов ялгась эзь тее кодтак снартomat сенень, штобу кода эряви чаркодемс политической образования донтъ ЦК-антъ решениянзо ды алкукс парсте организовамс те решениянтъ тевс ютавтоманзо.

ВЛКСМ-ень ЦК-ась теи постановления:

1. Примамс сведенияс ЦК-асо рабочей од ломанень отделэнь заведующеентъ сообщениянзо седе, што пропаганданъ коряс ЦК-анъ инструкторось тоско примась эрвикс организационной мерат сень кис, штобу организовамс комсомолецтнэнь политической образованиянъ сетанть (одс пурназь политшколас тонавтицят, ютавтозь семинартнэненъ руководителень ды пропагандистнэнь курстнэненъ лекторонъ кочкамо, ютавтозь кой кона пропагандистнэнь прове-  
рямо).

2. Меремс Орской ошонъ комитетэнтъ ды васняк ошонъ комитетэнтъ секретаренте Смирнов ялгантенъ ды политической тонавтицнэнь отделэнь заведующеенте Рябинин ялгантенъ, што, бути сынъ маласо шкастонъ парсте а организовасысь комсомолецтнэнь политической образованияст ды те тевсэнтъ сынсь а кармить кода эряви, то ЦК-антенъ сави аравтомс ВЛКСМ-ень Орской организациянтъ икелев вопрос сынст руководителенте роботамо а маштомадост.

3. Невтемс Оренбургской краенъ ВЛКСМ-ень ЦК-анъ оргбюронтень, што сон аволь удовлетворительнойстэ вети политобразованиянъ тевентъ. Ловомс кавгак а маштовиксэкс сень, зардо оргбюронтъ рабочей од ломанень заведующе-  
сь Кутняков ялгась ды рабочей од ломанень отделэнтъ политтонавтицнэнь секторонъ заведующе-  
сь Курочкин ялгась, конат 10 чить ульнесь Орскойсэ, эзизь кармавто ошонъ комитетэнтъ роботниктнэнь ды комитетэнтъ политобразованиянтъ парсте аравтомо ды сынъ-  
гак тень кисэ мезеяк эсть тее.

ВЛКСМ-ень ЦК-антъ секретаресь С. САЛТАНОВ.

## „Калмасть“ живстэ комсомолка

Забиякина Ольга умоконъ комсомолка. Теке марто примерной комсомолка. Сонзэ пельде ламо комсомолецтнэнь савкшнось тонавтицнэнь Ольга шкасто пандыль членской взност. Эзь юта сонтемензэ вейкеяк промкс, заседания, кружоконъ занятия. Комсомолонъ тев Ольга знярдояк эзь путне ве бокавандынень. Теилизе шкасто ды парьсте. Мезияк а тейт истя уш вечкелизе комсомолонъ тевентъ.

Хозяйственной тевсэяк Ольга эзь каднов ломаньде. Мекев ланг тевензэ теелесе ломаньде икеле ды маштувожо невтемс паро ломанень. Гордойстэ кантлесь ударницанъ лем. А вестъ ульнесь эйстэдензэ сермадозъ газетасо Евтнестъ роботанъ опытензэ.

Тедиде июнь ковсто Ольга лиссь мирьденень. Лоткась Ольга комсомолонъ тевень ветьямо. Стувтызе сонзэ комсоргоськак. Лоткасть тензэ евтнеме знярдо ули промкс. Лоткасть тензэ макснеме комсомолонъ тевт. Комсоргосъ Нестеров нардызе спискасто. Мейле ловизь механически выбывшейкс. Ольга ламоксть снартнесь молеме, одов кундамс роботамо, визьди. Комсомолецтнэяк а якить тензэ.

(Комсомолка).

Т. Мурза

Кочкурованъ р. н.

## Знярдо улеме карми комсорг

Кочкурованъ районсо, Пякса Тавланъ комсомолонъ организациясонтъ умок уш арась комсорг. Ламоксть ульнесь коротазь райкомсо. Яла теке местькак а тейни.

Комсомолецтнэде весемезэ 27 ломанть. Меньгак работа а ветить. Организациясь эль калады. Промкст ды политзанятияст овси а эрить. Ды а кие чумондомска. А кинень ве

тыамс культурно-масово-воспитательной работа Комсомолецтнэ кармасть хулиганничамо. Лоткасть пандомадо государствантенъ обязательстваст.

Истямо, ковгак а маштовикс тевентъ лангс ваны суронъ пачк аволь ансяк комсомолонъ райкомось, мик велень парторганизацияськак. Петров.

## Организациясь каладома лангсо

Кочкурованъ районсо, Вирь ало Тавланъ комсомолонъ организациясо улит истят комсомолецт, конат кавтонъ кавтонъ иеть эзь пандо членской взност.

Вана кавто, колмо истят комсомолецт, Чарин Ф. Алтаев Т. Карин К. ды ламо лият.

Комсоргосъ местькак а тейни. Те чимс иень перть арасель промкс. А содасынъзе эсинзэ организациясо комсомолецтнэнь.

Кодаткак материалт, партиянтъ ды комсомолонъ решениядо а тонавтыть. Кашт моли райкомоськак  
Д. С.

# Большевизманъ истори- янтень питней вклад

## Л. Берия ялгантъ докладонзо кувалт

Большевистской партиянтъ историйнзо разработкантенъ покш вкладтеезь партиянтъ Закавказской краевой комитетэнтъ секретарентъ Берия ялгантъ докладсонзо Закавказьясо большевистской организациянтень историйност \*).

Те докладсонть Берия ялгась пек парсте невтизе закавказской большевиктнэнь героической бороцямост. Сон невтизе, кода эщо ютасть пингестэнтъ, 1898 иестэнтъ, грузинской социал-демократической организациясонтъ, кона лемдязель „Месаме-даси“, кона ветьясь оппортунистической линия. — кода тосо теевсь революционной групп, конансь ульнесь Ладо Кешовели, Цулукидзе ды се стэ эщо овси од шкасто Сталин ялгась. Те революционной группась вешсь теемс нелегальной газета ды кармамс ветьямо рабочей классонть массовой бороцямонзо.

1901 иестэнтъ уш Сталин ялгантъ ветьямонзо коряс теевсь ленинской направлениянъ социал-демократической партиянтъ васеньце тифлисской комитет, кона кочказель социал-демократической организациантенъ ошонъ конференциясонтъ. Секе жо иестэнтъ Сталин ялгась

кармась ветьямо покш работа Батумсо, косо тейсь 11 социал-демократической рабочей кружокт. 1902 иестэнтъ жо Сталин ялгантъ ветьямонзо коряс ютавтозь покш забастовка Манташаевонъ заводсонть ды кавто покш забастовкат Ротшильдэнь заводтнэсэ. Весе колмонест забастовкатне прядовсть сень эйсэ, што изнясть рабочейтне. Батумсо Сталин ялгась ютавтсь рабочеень демонстрация, конансь примась участия 6000 ломанть. Те демонстрациянтъ лангс леднестъ войскаст ды малав 500 рабочейт, демонстрациянтъ участникт, панезельтэ оштонть.

Берия ялгась седе тов евтни Батумонъ ды Тифлиссэнь рабочейтнэнь седе мейленъ героической бороцямодост, 1902 иестэнтъ Сталин ялгантъ арестовамонзо, батумской тюрьмас мейле кутаисской тюрьмас сонзэ пекстамодонзо, пектазь таркасо ды мейле ссылкасо. Икелень Иркутской губерниясонть, Сибирьсэ Сталин ялгантъ апак лотксе революционной роботадонзо.

1904 иестэнтъ Сталин ялгась оргодсь Сибирьстэ ды таго кармась ветьямо революционной работа Закавказьясо. Таго ушодовсь Сталин ялгантъ а лоткавтовиця революционной деятельностисэ. Сон лангс ливтсь меньшевиктнэнь, эсь енов

таргазь рабочейтнэнь, 1905 иестэнтъ тейсь Тифлиссэ большевикенъ бюро большевистской партиянтъ уездной комитет Чиатурахсо, имеретин-мингрельской большевистской комитет Кутаисесэ.

1905 иестэнтъ рабочейтнэнь ды крестьянтнэнь бороцямост келейстэ кармась теевеме революционнойкс: ушодовсть политической стачкат, забастовкат рабочейтнэнь ды крестьянтнэнь вооруженной столкновеният полициянтъ ды войскактне марто. Большевистской организациясь Сталин ялгантъ ветьямонзо коряс ушодсь покш работа меньшевиктнэнь лангс ливтеманъ коряс, кармась нолдамо 14 газетат, ве ти стачкатнэнь, забастовкатнэнь ды бойтнэнь.

1905 иень декабры кавстонть Тамерфорссо (Финляндия) ульнесь большевистской васеньце конференция. Закавказской большевиктнэнь се шкантенъ ульнесь эсист виев организацияст ды те конференциянтень кучизь Сталин ялгантъ ды большевик-рабочеентъ Телия ялгантъ. 1906 иестэнтъ закавказской большевиктнэнь вейсэнь IV-це с'ездсэнтъ Сталин ялгась ульнесь председателъкс.

1906 иестэнтъ Сталин ялгась большевистской газетатнес сермады зярый статьят, конатнесэ вешсь конфискавамс модатнэнь, лангс ливтсь большевикмантъ врагонзо ды обосновывает марксизманъ философской взглядтнэнь. Берия ялгась эсь докладсонзо парсте невтизе неть иетнестэ закавказской большевиктнэнь, конанъ ветицк ульнесь Сталин ялгась, — замечательной бороцямост: допроконъ ды амирямонъ явоманть

меньшевиктнэ эйстэ, трудиця массатне лангс касыця влияниянтъ, теоретической роботантъ сзрей уровнянзэ, ленинской революционной политикантъ последовательнойстэ ды видестэ ютавтомантъ, пролетариатонть ды крестьянствантъ диктатуранъ теемадо ленинской лозунгонть тевс ютавтоманзо кис бороцямонгъ.

Сон невти, кода большевистской организациясь Сталин ялгантъ ветьямонзо коряс 1907-1912 иетнестэ эсь енов таргинзе сех ламо социал-демократической рабочейтнэнь. Берия ялгась невти меньшевиктнэнь, ликвидатортнэнь, троцкизмантъ, меньшевикмантенъ примиренчествантъ каршо закавказской большевиктнэнь бороцямост. Ды весе тень невтезь, сон лангс ливти сень, кода а видестэ невтсь закавказской организациянтень Ф. Махарадзе, А. Енукидзе, М. Орахеолашвили.

Пролетарийтнэнь бороцямост большевистской партиянтъ ветьямонзо коряс пачтась 1917 иестэнтъ революциянтень. Грузиясо властэсэнтъ меньшевикт, сынст 1921 иестэнтъ Грузиянъ пролетарийтне панизь весе Закавказьясонть. Теевсь советэнь власть. Берия ялгась парсте невти Грузиянъ компартиянтъ бороцямонзо националистической уклононть каршо, кода те уклононть изнизь Грузиянъ большевиктнэ Ленинэнь ды Сталинэнь ветьямост коряс.

Берия ялгантъ докладозо — пек питней вклад капитализмантъ, меньшевикмантъ ды весе сонзэ разнообразнэненъ каршо, эсь рядтнэсэ кавтолломатнэнь каршо большевиктнэнь бороцямонъ историйантенъ.  
(„К. Г.“).

\* ) Л. Берия ялгантъ докладонзо „К вопросу об истории большевистских организаций в Закавказье“ партиздатосъ нолдызе башка книгасо.



## ОТЯДОНЬ ПРЕДСЕДАТЕЛЬКС КОЧКАЗЬ ЛЕША ТОЛКОНЦЕВ

Б. Березникень р-н. Елизаветенка велень начальной школань пионеротрядонь октябрынь 4-це чистэнь ульнесь отрядной сбор. Пек парсте анокстась эйкакштнэ те сборонтень, Сынъ решизь сонзэ ютавомс образцовыстэ. Весе ике ле уш содасть, што те сборонтень кармить кочкамо пионерэнтэ отрядонтэ председателъ ды звеньевойтэ.

Отрядонтэ весемезэ 30 эйкакшт. Весе сынъ ике ле уш арсест кинь кочкамс активс, кэнат бу парсте аравтовлизь весе пионерроботантэ.

Ике ле отрядось роботась аволь пек парсте. Ульнестэ любительской кружокт. Но эйсест мезеяк эзь ульне. Икелень активесэ эзь машто парсте, весоласто, живойстэ аравтомс роботась, заинтересовать эйкакштнэнь.

Сборонтень весе пионернэ састэ шкастонзо ды анокстась. Сынъ кортавызь весе эсь роботасть, кортавызь, кодат ульнестэ асатыкст ды кода икеле пелев парсте аравтомс роботась.

Отрядонтэ тейстэ пионернэ колмо звенат. Зенань вожатоекс кочкизь сех вадра пионернэнь: Просников Ванянь, 4-це класс сех вадра тонавтницянь, Чегонаш кин Ванянь, Зевайкин Васянь—тонавтнемань коряс отличниктнэнь ды кудо нумолонь трымаштамо тевень вечкицятнэнь. Отрядонтэ председателекс эйкакштнэ кочкизь сех вадра ялгасть, Леша Толконцевонь. Тесэ жо эйкакштнэ сермадсть любительской кружокс ды мерсть, што од активентэ марто пек седе парсте карматано роботамо.

А. Гирдо.

## „МОН А СОДАН МЕСТЬ КОРТАМС“

Пек беряньстэ тонавтни Б. Березникень комсомолонь райактивесэ. Активентень организоваз специальной кружок. Ней тонавтнить Коминтернань 7-це конгрессэнь материалонзо. Ютавтозь уш колмо занятият ды эшо эзизь юта Пик ялганть докладонзо. Те секс, што занятияс сех ламо активистнэ ай анокстакшнить, литературанть а ловнокшнить, сакшнить а шкасто. Аволь пек умок ульнесь Пик ялганть докладонзо коряс 3-це занятия. Ушодовсь сон а шкасто. Кармасть кортамо Пик ялганть докладонзо омбоце разделэнь коряс, теке жо разделэнь коряс вейке занятия ютавтозель. Ды зярдо кружоконь руководителесэ комсомолештнэнь кевкстинзе (Яскинэнь, Панкинэнь, Бердниковонь, Косынкинэнь) лы лиятнэнь. Кияк эйтэст эзь отвеча вей-

кеяк вопрос лангс. Эрвась мериль: „Мон а содан, месь кортамс“. Сынъ занятиятнес овси эсть анокста, материалонть эзизь ловно, конспектэст арасть.

Руководителесэ мерсь: ловнынк материалонть теске нейке жо. Ды кавксо часос кармасть ловномо. Мейле таго ушодызь занятиянь.

Парсте материалонь проработканть тейнить ды занятиятнесэ отвечить вопрос лангс пек аламот—ансяк Ворожейкин, Гирдо ялганте ды эшо кавтошка.

Нетэ занятиятнэнь вети сонсь райкомолонь секретаресэ Левин ялгась. Тесэ тонавтни актив Ды эрви, штобу улевель алкуксонь тонавтнема, но аволь кольнема. Райкомось примазо мерат сечне каршо, кить ай арсить тонавтнема. Казарин.

## Косо арась политико-воспитательной роботась

Комсомолонь уставсонть евтазь, што нетэ комсомолештнэ, коната пандсызь взносот колмо ковдо ламос, механически лисить организациястонть.

Б. Березникень районсо первичной организациятнева ламо истят комсомолешт, конатнэнь аволь ансяк колмо ковт, кавто-колмо иеть апак пандо взност.

Бузаевской организациясо Гребенцов ды Адошкин комсомолештнэнь апак пандо взност эрванть, иеде ламос. МТС-нь организациясто Васемазов комсомолештэсэ эзинзе пандо взносонзо колмо ковдо ламос.

А пандыть взност аволь ансяк рядовой комсомолештнэ, улить ис-

тат факт организациянь руководителештнэнь-комсоргитнэнь пельдеяк.

Бузенцовонь организациясо комсоргось Власкин ялгась эзинзе пандо взносонзо 1935 иень перть. Бузаевань комсоргось истяжо ламо ковт эзинзе пандо Шугуровань организациясто Аношкин ютавтась эсь лангозонзо членской взност 20 целковойтэ, Кандрашкин 10 целковойтэ.

Нетэ истят тевтне листнить первичной организациятнева, комсомолештнэнь марто васняткеяк секс, што сатышкасто а вётави комсомолештнэнь ютксо политико-воспитательной роботась.

Ив. Казарин.

## Рабфаконь организациясь аноксты праздникентень

Саранск. Мокшэрзянь рабфаконь первичной организациясь келей гавтызе Октябрьской праздникентень анокстамонть.

Комсомольской организациясь сайсь лангозонзо обязательстват. Октябрынь 18-це годовщианть самс организовамс: драматической, хо-

ровой, музыкальной ды лият кружокт.

Организовать военно-топографической кружок, козонь совастэ членкс 269 ломанть. Организовать физкультурной зарядкат. Ютавтит эрва чистэ строевой занятият.

Я. Сурский.

## Телентень лембе кардо

Ардатовань р-н. Ташто-Орданьбуень „Од эрямо“ колхозонь ферманть ютась тельня скалонзо ульнестэ берянь помещенияс. Ней колхозось строи од кардо. Кар-

дось куруксто строяви. 36 прят скалт сы телентэ ютавтсызь од лембе кардосо.

Мих. Елисейкин.  
Як. Кальсков.

## Буянкинэнь тевензэ

(Фельетононь таркас)

Улить истят ломанть, Коватне секенъ вант Пингезэст кемерстэ Саемс кеменьшка нить, Эли седе ламо, Мартост жо эрямо А кадсызь вейкенягак, Паньсызь—мерить: эряк Азе кода мелеть, Коданя паро тетя...

Истятвэде марсесь Буянкин. Арсесь: Эрви моненьгак Снартомс манямс киньгак... Церась эшо одан. Карминьдерян—ютан Ламо мазый тейтерть Сехте паро шкам перть.

Ловныця, тон бажат содамо, Кие истямось ды кодамо Течень героенек минек, Ковань тевензэ невтьснэк.

Эрзя сон. Кить, косо шачтызь, Зярдо. Коданя тризь-кастызь, Витькстан—моньскак аздан

местькак,

Тедэ кевкстнемс сонзэ вестькак Эзь сав. Меельсь кулят улить: Сон Чамзинкасо помполит Ульнесь... А кувать тосо тардсь, Ды райкомолонь секретарькс Зубово-Полянав мик понгсь... Арсесь, што ломанесь уш покш, Ды кемсь: мартонзо мезеяк А теить, бути маняк Зяро кенери од тейтерть Кода мерсь: сех паро шкам перть...

Курок манямс кенерят Тейтерентэ, буги мерят: Вечктян ды улят ним, Тон ойдем, валдо-чим... Содась Буянкин тень Ды стясь сон те кинтень...

Мельзэнзэ ледсь се шкась, Коданя сон якась Чамзинкань районсо Вейке колхозов. Тосо Пек нузякс пансть тейтерь; — Панемс,—сонгак мик мерсь... Ды Зубовасо ней

Мелезэнзэ ледсь... „Тей Тейтересэ саемс... никс, Кудо ютконь ветикс. Пидицакс-павицакс. Тень стыцакс, андыцакс.. Туян тестэ—кадса, Эли курок паньса...“ Ялга эстензэ мусь, Тейтерентэ мельга тусть.

Урвакстэсь.. Эрить те шкас, Ды Буянкинэнь пряс Сакшность эрва мень мельть, Но сынст тевс нолдамс пельсь. Эрить... Но нинть а никс Лови уш. Эсь урекс Теизе. Ней ракси Лангсовзо ды нарьгсь... Ды кирди ансяк секс, Штобу ваксовозо удемс... Но те эшо аламо, Буянкинэнь жо ламо Эрви. Сон ведь мерсь, Эцнемс ламо тейтерь... Ды вот Куйбышев ошов Аволь пек умок эшо Героенек якась Ды сатотсь сонзэ шкась, Сатотсь сонзэ виськс-чись. Нахальствазо сень кис, Што коли уш эрямс Савсь тосо, то манямс Мазый ды од тейтерь, Мездеяк апак пельсь...

Ды сон кармась якамо, Эрва кува лытамо, Юты тейтерьс пецеме, Эрватантень эцеме. Тосо—Куйбышев ошо—Ули вейке заводсо Знатной тейтерь, мазый, Эйсэнзэ ламо вий, Роботница вадра, Местькак а тейниль зря... Тейтересэ эшо од, Тензэ комсешка годт... Буянкин царанть кизэ Тейтерентэнь пачтизе.

Виськстеме маньшесэ пракстась: — Мон апак урваксто... Вечктян пек. Ды тонстеметь, Кемть, коть иля кеме— Киргас понгавт коть пикс... Энялдан, ульть монь никс. Вечктян... Мазыят тон... Сайдян... Сайдян мартоя... Ды сон эцесь палсема.

Тейтересэ тензэ кеми. Сон арсесь—те ломанесь Эйсэнзэ а мани, Содась—сон ком-омолец Партиец (аволь карь)... Райкомонь секретарь... Тейтересэ кемсь... Мартонзо Яксесь. Алкукс вечксь сонзэ, Алкукс виск уликсэль, Мартонзо туиксэль...

Буянкин жо тейсь сень Мезде арсесь... Монень Кадовсь ансяк меремс— Тензэ те савсь теемс... Тейтерентэ манизе Ды мейле кадызе...

Мекев Зубовав сась, Тесэ таго кармасть Маньшеме уш лият... Нинтькак жо эссе кадт, Кирди сонзэ, нарьги, Авась чистэ ранги, А соды месь теемс, Коданя ней менемс, Сон пешкесэ яки, Эйсэнзэ пшкади ки?..

Куйбышевэнь тейтересэ Содыль, ко ено эрзясь Ды косо эри ней Буянкин. Сыргась тей... Вот сась Зубова велев, Моли райкомол пелев, Вастызе минек „оянтэ“, Пошляк ды хам героентэ. Кармась кортамо тензэ, Виздилгавтнема эйсэнзэ, Ды мерсь: тон монь манием, Туить тосто, кадымик... Ней монсь сынъ тей мельгат, Истяк илямак кадт, Саимак өно никс, Тандадыть эйтэнь мекс?..

Мастэ ульнестэ—весе тесэ А евтневить коть мейсэ, Ды мейсэ ламо кортамс, Нирькинезэ евамс: Ошонь тейтересэ вастсь Сень марто, кона кассь Велесэ... Ковань кирдсь Пошлякосэ уре-никс...

Сынъ вастсь. Буянкин кекшсь Мезень бути тев эжсэ. Кавонест нинзэ вастсь Паро ялгакс, прок кассть Вейсэ од пингест перть... Эсть турь, эсть разде черть. Паро мельсэ кортнестэ, Мезе ней теемс тест... Аварьгадыльть, эськаст Лацестэ... Зярс сатотсь шкаст—Евтнестэ эсист горяст, Мейсэ сынъ манятызь прят, Мейсэ сынъ те царанть кемсть, Када ней тест улемс...

Буянкин сась те шкастонть. Совась сон кудов састо, Кунцолось, месь кортнить Сонзэ кавто од нить... Мейле эцесь икелев Ды овси апак пеле Ошонь тейтерентэ кельте Кундызе, кенгш лангс вети. Мельганзо васень низэ Чийсь пижнезь ды правтызе Буянкинэнь ды мерсь: Тапатадызь минь версь... Месть тон сонзэ маник, Сайксэлик мик никс... Месть тон истя тейнят, Тюньгольксэкс невтят прят?... Тевесэ сень эйсэ прядовсь—Буянкин таго кадовсь Васень нинть марто. Тусь Ошовцесь мекев... Тусь... Буянкин прят шнакшны. Ды таго нарьгакшны Прок никс сазь урентэ, Чопода тейтерентэ... 15-X 35 не.



Октябрьской революциянь тор-  
жественненень мокшэрзянь Выс-  
шей сельскохозяйственной комму-  
нистической школанть маласо кар-  
ми улема теезь Владимир Ильич  
Ленинэнь памятник.

Памятникэнь строямозо моли-  
уш. Сооружениянь коряс робо-  
танть вети Плетнев инженерэсь.  
Памятникэнь срезэ ули—В. И.  
Ленинэнь фигуразо, пьедестал мар-  
то—7 метрат. Памятникэнь пьедес-  
талозо ули мазылгавтозь мрамор-  
со. Школанть икеле площадкась  
ули асфальтировазь.

### Кавто ялгат—озорникт

Диков Коля ды Зоткин—пи-  
онерт. Тонавнтить начальной шко-  
лань старшей группасо—4-це клас-  
со.

Диков марто Зоткинт школа-  
сонть тонавнтить беряньстэ ды  
невтить берянь пример нисшей  
классо тонавниятненень.

Сынь школав сакшныть уроко-  
ст атак анокста, неряшливойстэ, ке-  
дест чамаст атак шлякшно, кар-  
сто.

Школасо прят ветьть хули-  
ганкс. Занятиянь ушодомодо  
ды прядомодо мейле, перемена-  
шкасто сынь секень ансяк сме-  
тить, кода бу кинь обидямс, пейдек-  
шнемс ялга лангсо, Ютыця ло-  
маннень ход а максыть, дразня-  
сызь, бутим вишкине тердсызь  
кулацкасо туреме. Кузнить кудо  
прява, поволить ютыця улавс эли  
автомобильс.

Чокшне Диков месьть лытыть  
ульцява, морсить виськс, хулиган-  
ской частушкат. Таргсить ломань  
зепьстэ носовой пачинеть.

Диков марто Зоткинт аволь ська-  
мост. Улит эщояк истят.

Те васнякяк секс, што Ташто  
Мурзань начальной школасонть  
учениктнэнь ютксо а ветяви вос-  
питательной работа. Арась робо-  
та родительнень мартояк.

Юнкоронь бригада.

## Абиссиниянь лангс Италиянь каывоманзо каршо

Абиссиниянь лангс Италиянь  
фашизмэнь каывоманзо каршо дви-  
жениясь касы.

Франциясо Парижень районь  
унитарной (революционной) ды ре-  
формистской профсоюзонь объеди-  
нениясь тейсь обращения Парижень  
трудоустроенень, конаньсэ терди  
Абиссиниянь народонть лангс ита-  
льянской фашизмэнь каывоманзо  
каршо бороцямс. Мирэнт вансто-  
манзо кис профсоюзонь объедине-  
ниясь терди Парижень трудоустроен-  
отказамс Италиянь военной ма-

териалонь производстванть ды ку-  
чоманть эйстэ.

Соединенной Штатнэсэ Сизтшля  
ошонь „Центральной рабочей со-  
ветэсь“ конанень пурнавозь тосонь  
профсоюзной организацияне, конат  
созавь трудонь Американской фе-  
дерациянень,—мерсь весе эсь член-  
тнэнь отказамс Италияв эли Аф-  
рикасо Италиянь колонияв назна-  
чазь кодамояк товаронь кучома-  
сонть участианть эйстэ.

## Итало абиссинской войнасэ

Лондон, 5. Абиссиниясто куля-  
нень коряс обед ено (Огаденань)  
фронтсо Италиянь войскактне, ко-  
нат аштить Европейской колмо  
ды африканской кавто дивизиясто  
250 тонна марто, ушодсть наступ-  
ления Уал Уалсто ды пачкодсть  
линиянтень, кона ашти Британ-  
ской Сомалисэ Бахотлихень эйстэ  
чи ли емасо, обед ено чи валго-  
мантень Кабрину Беридалех ды  
Мосара пунктнэсэ.

Насуплениясь ульнесь анокстазь  
20 самолетсто бомбардировкасо.  
Бомбардировкадонть ды газгнэнь

нолдтнемадо занязь районтнэсэ  
таркань эрицяктне орголесть. До-  
прок калавтозь Дамот ошось Абис-  
синиянь войскактнэсэ маштневсть  
малав 10 тышат ломанть. Абесси-  
нецтнэнь сех паро резерватне пур-  
назь Хараронть, Джаагигень ды  
Томсанть маласо. „Бритиш Юнай-  
тед Пресс“ агенствась тешксты,  
што обед ено Абиссиниянь арми-  
янь (косо лововить 300 тышат бо-  
ецт) командующеесь гене-  
ралось Косиба максь приказ гене-  
ральной наступлениянь теемадо.

## Хиротань ответэзэ

Токио, 14 „Симбун ренго“ аген-  
ствась пачти куля, што Советэнь  
правительстванть мереманзо коряс  
Юренив, (Япониясо Советэнь сою-  
зонь полпредэсь) октябриянь 14-це  
чистэнь Хиротанень являвсь ре-  
шительной протест сеть столкно-  
венияктне коряс, конат ульнесь со-  
ветской ды японо-манчжурской  
отрядтнэ ютксо октябриянь 6-8 ды

12-це читнестэ.

Хирота ответсэнзэ мерсь, што  
сон неть случайтнеде соды ансяк  
газетсэ печатазь материалтнэ ко-  
ряс, но тее арась кодаткак офи-  
циальной сведениянзо. Седе тов  
Хирота мерсь, што максы Юренив-  
нэнь официальной ответ те вопро-  
сонть выяснениядо мейле.

## Италиянь салдатнэ орголить Италиясто

Вена, 14 Белоградсто пачтить  
куля, што меельсь шкастонть эр-  
ва чистэ итало-югославской грани-  
цянтнь трокс ютнить комсешка  
итальянской салдатт. Оргодицяктне

ютксо истя жо улит офицерт.  
Белоградонт малас теезь специ-  
альной, козонь пурнавсть уш Ита-  
лиянь 3 эли 4 тышат салдатт.

## Продовольствен- ной положени- ясь яла беряньгады

Берлин, 15. Германиясо продо-  
вольственной положениася яла се-  
деяк беряньгады. Октябриянь 14-це  
чистэнь Берлинсэ ульнесь сыве-  
льсэ торговицяктнень конференция,  
кона тешкстызе, што „покс ошт-  
нэнь снабжениясь кармасть пек бе-  
ряньгадомо ды тешкстась тень кар-  
шо бороцямонь мера.“

Продуктань кувалт сех пек бе-  
ряньстэ ашти тевесь провинциясо.  
Ганковересэ тосонь национал-со-  
циалистической организациянь  
начальникесь ошсонть эрицяктне-  
нень тейсь „предостережения“, ко-  
наньсэ мерсь: „ней эрва едино-  
племенникентень эряви седе аламо  
ютавтомс продовольствият“ лиякс  
меремс—седе аламо ярсамс. На-  
чальникесь мерсь, што те требо-  
ваниянь а топавтыцяктнень ловсы-  
нзе „государственной врагокс“.

## Повстанецтнэ саизь весе уездэнтэ

Бейнин, 14. Пачтить куля, што  
октябриянь 7-це чистэнь Кайлусо  
(Жэхэнь провинция) кепетедсь вос-  
стания. Восстаниянь теицяктне ютк  
совасть войскакт. Повстанецтнэ за-  
хватизь весе уездэнтэ. Менстязь то-  
сонь тюрьманть пекстазь ло-  
мантьне Повстанецтнэ марто стол-  
кновениясонть Япониянь войскактне  
емавтсь жарыя сядот маштозь ды  
ранязь Цзиньчжоусто тов кучозь  
Японской баталион

## Секретной документт

Париж 14. Компартиянь „Юма-  
ните“ газетась печатась „Толонь  
крест“ фашистской организациянь  
секретной документт, конат кор-  
тыть седе, што фашистнэ анокстыть  
гражданской войнас.

## Арестт

Берлин 15. Меельсь читнестэ Бер-  
линсэ ды Потсдамсо ульнесь ламо  
облават ды арестовазь ламо лoma-  
нт, конань ловить коммунистиче-  
ской роботань ветицаякс.

## Приговорось немекстазь

Прага, 14. Чехословакиянь выс-  
шей судось эзизе прима коммуни-  
стической депутатнэнь Сланскоень  
ды Штеткань апелляцияст ды ке-  
мекстызе васеньце инстанциянь  
приговоронть, конань коряс Штетка  
судязь 18 ковс ды Сланский 16 ковс  
тюрьмас пекстамс.

Ответ. редакторось М. ЛЮПАЕВ.

## Советэнь союза

### 11 ЭЙКАКШОНЬ АВА 36 НУЦЬКАНЬ БАБА

Ростов. Екатерина Гардеевна  
Тимоханень, кона эри Анане ош-  
сонть, курок топодить 101 ие. Сон  
кастась 11 эйкакшт. Степан Ти-  
моха, якстере летчикесь, кона бо-  
евой отличиянь кис казезель.  
Красной знамянь орденсэ, емась  
1920 иестэнтэ Синельникова ма-  
ласо ашотне каршо бороцямсто.  
Екатерина Гардеевнань омбоце  
церазо „Курортнабонь“ ананской  
конторань директор, получаь  
Красной знамянь кавто орден  
Перекопонт маласо бойсэнтэ ды  
Махонь банданть тапамосонзо  
участиянь кис. Катерина Гардеев-  
на эри орденоносец церанзо кедь-  
сэ, сонзэ кис пек мелявтыть. Ека-  
терина Гардеевнань 36 нуцканзо  
ды 14 правнуцканзс.

### Кевень пингень ломаненть аштема тарка

Выша веленть (Керенской район)  
эйсэ колмо вейгельяеть седе ве-  
ено, Каршиной полянасонть тосонь  
красветнэ мусть кевень пингень  
ломанень аштира (эрямо) тарка.  
Муезь кремневой наконечникт, ке-  
вень узере ды кудо ютконь эрва  
кодат предметт.

(„За коллективизацию“).

### Весемасторлангонь рекорд

Эрва чистэ яла седеяк ламо  
предприятиява касыть стахановецт  
—парсте робатыцят, ламонь теицят.  
Покш успех тейнить шождя про-  
мышленностень предприятиятнэсэ  
сэрэнь производительностень мастер  
ртнэ. Энгельс лемсэ лияназонь  
(ленонь) фабрикасонть (Вязников-  
ской район, Ивановской область)

Татьяна Зайцева ды Елена Емели-  
на ткачихатне тейсть весемастор-  
лангонь рекорд кодыця ткацкой  
станоктнэнь обслуживаниясонть. Ок-  
тябриянь 12-це чистэнь сынь ютасть  
четырёхчетвертовой 8 станоконь  
обслуживанияс. Эрва чистэ мак-  
сыть 920—980 метрат полотенца—  
заданияст велькска топавнтить.

### „Пионерской правдантень“ 10 иеть

Октябриянь 25-це чистэнь „Пи-  
онерская правда“ газетанть топо-  
дить 10 иеть.

Комсомолонь центральной коми-  
тетэсь тейсь постановления, што-  
бу „Пионерская правда“ газетан-  
тень 10 иень топодеманть тешкс-

тамонь кис эрва отрядсонть теемс  
специальной сбор, кона улэзэ пос-  
вященной газетанть юбилеентень.

Весе Советэнь Союзонь пионер-  
тнэ анокстыть те юбилеенть вас-  
томо.

### Милиционернтэ электрифицированной курткасо

Телентень Московонь милицио-  
нертнэнь—ульцява якамонт ре-  
гулятортнэнь кармить улема мак-  
созь электрифицированной курт-  
кат.

Курткась ули оршазь шйнель  
алов. Сон карми эждявомо секе  
жо принципенть коряс, кода быто-  
вой электронагревательной при-  
бортнэ. Се кудонт стеназо, ко-  
нань маласо дежурь милиционе-

рэсь, ули штепсельной розетка.  
Светафоронь контролеронт ваксо  
аштемстэ сон тонги сынгине 12  
вольтс трансформировазь ток, кона  
карми ютамо никелевой спиральн  
защитной курткаванть. Никелесь  
эжи ды милиционерэнтенькак кар-  
ми улема лембе.

(„Вечерняя Москва“).